

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3509 del 04/12/2021

Traduzione in mòcheno

Der president va de autonome Provinz hòt untertschrim de nai schòff asn Coronavirus

Der president va de autonome Provinz Maurizio Fugatti hòt untertschrim de schòff numer 83 as paschraip de regln ver za ibergea' de groas noat va de krònket va Covid-19. Ver de innrichtn ver za gea' anau sai' kemmen patschrim ausòndra regln, iberhaupt abia as men miast tea' za gea' zua ont biavle lait as meing austaing (offega oder sperreta). De soalpent Trento-Sardagna ont Mezzocorona barn miast u'nemmen de regln as kearn ver de lokal òllgamoas' verkearmittln, ver biavle lait as meing austaing aa.

Men derklort as, no en de nain stòttregln u'ganommen van Stòtt en de leistn ta ver de u'stelltn en de schutz, versicher ont òllgamoas'hilf, en Trentin aa miast men sai' pèlzt: ver de u'stelltn en de pompiarn ont en de forestaln va de autonome Provinz.

De Schòff paschraip as en de Provinzalbèrkn ver de tsunthaitdinstn barts kemmen austellt a provinzal lista van bèrkn as mòchen meing de test antigenici gahasse ver za gem de grea'zertifikazion Covid-19, as derno, turch an informatiksistem gamòcht va de Provinzalbèrk, bart mòchen kennen der resultat pet a nochrift.

S kimmp zan leistn derklort de bèrkn as mòchen va birtshaus oder de offega platz as gem za èssn ont za trinken ver en gasetz as de grea'zertifikazion Covid-19 (Green pass).

Derzua der tèckst va de Schòff.

Ibersetz gamòcht van Sprochtirl va de Tolgamoas'schòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)